

**სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების განსახორციელებლად
შექმნილი სატენდერო კომისიის სხდომის
ოქმი №1**

ქ. თბილისი

18 ოქტომბერი 2019 წელი

სხდომას უძღვებოდა:

ზვიად როსტომაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის პირველი მოადგილე - კომისიის წევრი;

მამია მორალიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

გიორგი თინაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

მამუკა ბერიძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ ეკონომიკური სამსახურის უფროსი - კომისიის წევრი.

ირმა ხუფენია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ - ადმინისტრაციის უფროსი - კომისიის წევრი;

სატენდერო კომისიის აპარატის წევრები:

ზვიად როსტომაშვილი - აპარატის ხელმძღვანელი;

დავით მესხიშვილი - აპარატის წევრი;

ნინო გლოველი - აპარატის წევრი;

დღის წესრიგი: სსიპ - ქ. ტყიბულის მუნიციპალიტეტის სოფელ მუხურას საჯარო სკოლისა და სსიპ საგანმანათლებლო და სამეცნიერო ინფრასტრუქტურის განვითარების სააგენტოს მიერ 2019-2020 წლების ბიუჯეტის დაფინანსების ფარგლებში სსიპ - ქ. ტყიბულის მუნიციპალიტეტის სოფელ მუხურას საჯარო სკოლის ახალი სასწავლო შენობის მშენებლობის სამუშაოების ერთობლივად შესყიდვაზე ელექტრონული ტენდერის აუქციონის გარეშე ჩასატარებლად შესაბამისი სატენდერო დოკუმენტაციისა და ტენდერის ჩატარების შესახებ განცხადების პირობების მომზადება.

აღწერილობითი ნაწილი:

2019 წლის 07 ოქტომბრის N1351939 სამსახურებრივი ბარათის თანახმად შესრულებულ სამშენებლო სამუშაოებში გამოვლენილი რიგი ხარვეზებისა და არასაკმარისი ხარისხის შესახებ, სამხარაულის სახელობის სასამართლო ექსპერტიზის ეროვნული ბიუროს დასკვნის წარმოდგენამდე, 2018 წლის დასაწყისიდან შეჩერებული იქნა ტყიბულის მუნიციპალიტეტის სოფელ მუხურას საჯარო სკოლის სამშენებლო სამუშაოები.

ზემოაღნიშნულის გათვალისწინებით, მომზადდა ახალი ხარჯთაღრიცხვა, რომლის მიხედვით დაიგეგმა უხარისხოდ შესრულებული სამუშაოების დემონტაჟი. შესაბამისად, განახლებული სამშენებლო სამუშაოების დროს გათვალისწინებული იქნება შენობის მოწყობა ახალი მოთხოვნების მიხედვით, მათ შორის, სათანადოდ გადაკეთდება სახანძრო სიგნალიზაციის სისტემა. ასევე, დამატებით მოეწყობა სადრენაჟო ქსელი, რაც აუცილებელია შენობის საძირკვლებში გრუნტის წყლის მოცილების მიზნით.

ხარჯთაღრიცხვის თანახმად, სავარაუდოდ, გათვალისწინებულია 1 089 180.00 ლარის ღირებულების სამშენებლო სამუშაოების განხორციელება, რომელიც უნდა დაიწყოს 2019 წელს და დამთავრდეს 2020 წელს. აღსანიშნავია, რომ სამუშაოებს ერთობლივად განხორციელებს სააგენტო და მუხურას საჯარო სკოლა. ამ მიზნით საჯარო სკოლას სააგენტომ წინასწარ ჩაურიცხა 150 000.00 ლარი. ამავე დროს, შედგენილი იქნა სამშენებლო სამუშაოების კალენდარული გეგმა, რომლის თანახმად მშენებლობის დასრულებისათვის საჭიროა 7 თვე.

მიმდინარე წლის 01 ოქტომბრის N1300256 სამსახურებრივი ბარათით განსაზღვრულია წლების მიხედვით შესყიდვის ობიექტის სავარაუდო ღირებულების წილობრივი განაწილება, კერძოდ: სკოლის ფინანსური წილია - 150,000.00 ლარი, რომლის ანაზღაურებაც გათვალისწინებულია 2019 წელს. ამასთან, 2019 წელს სავარაუდოდ ათვისებული იქნება - 100 000.00 ლარი, ხოლო 2020 წელს - 839 620.00 ლარი.

სამოტივაციო ნაწილი:

შესასრულებელ სამშენებლო სამუშაოებზე საგარანტიო ვადები განისაზღვრება სამშენებლო-საპროექტო სამსახურის 2017 წლის 23 მაისის N 543553 სამსახურებრივ ბარათში მითითებული ვადების შესაბამისად, ტენდერის შედეგად გაფორმებულ ხელშეკრულებაში:

1. სახურავი - 10 წელი ქანობიანი გადახურვა, 5 წელი რბილი გადახურვა (ასეთის არსებობის შემთხვევაში);
2. კარ-ფანჯრები - მეტალოპლასტმასი-5 წელი, საკეტები-1 წელი (ასეთის არსებობის შემთხვევაში);
3. გამაგრება-გამძლიერების სამუშაოები -10 წელი (ასეთის არსებობის შემთხვევაში);
4. შენობის შიდა მოპირკეთება - 1 წელი (ასეთის არსებობის შემთხვევაში);
5. ფასადის და სარინელის სამუშაოები -5 წელი (ასეთის არსებობის შემთხვევაში);
6. სამღებრო სამუშაოები - 1 წელი (ასეთის არსებობის შემთხვევაში);
7. სანტექნიკა და ელექტრობა - 5 წელი (ასეთის არსებობის შემთხვევაში);
8. გათბობის სისტემა - 1 წელი (ასეთის არსებობის შემთხვევაში);
9. საქვაბე მეურნეობის აგრეგატები - 1 წელი (ასეთის არსებობის შემთხვევაში);
10. იატაკი - 2 წელი (ასეთის არსებობის შემთხვევაში);
11. კონსტრუქციები (ახალი შენობის მშენებლობის შემთხვევაში) - 20 წელი (ასეთის არსებობის შემთხვევაში);
12. წყალსადენისა და კანალიზაციის გარე ქსელი - 2 წელი (ასეთის არსებობის შემთხვევაში);
13. ღობე - 2 წელი (ასეთის არსებობის შემთხვევაში);
14. სხვა დანარჩენი - 1 წელი (ასეთის არსებობის შემთხვევაში);
15. ლიფტი - 2 წელი (ასეთის არსებობის შემთხვევაში);
16. ლიფტის საექსპლუატაციო ვადა- 5 წელი (ასეთის არსებობის შემთხვევაში);
17. ამწე მოწყობილობა 2 წელი (ასეთის არსებობის შემთხვევაში)

სატენდერო კომისიას მიზანშეწონილად მიაჩნია სატენდერო დოკუმენტაციის გამოცდილების მუხლი ჩამოყალიბდეს შემდეგი სახით: „პრეტენდენტს საქართველოს ტერიტორიაზე ან/და სხვა ქვეყნის ტერიტორიაზე (გარდა იმ ქვეყნის ტერიტორიისა, სადაც რეგისტრირებულია პრეტენდენტი) 2014 წლის 01 იანვრიდან მოცემულ ტენდერში წინადადებების მიღების დასრულების დღემდე უნდა ჰქონდეს შენობის (არ იგულისხმება გზა, ხიდი, გვირაბი) სამშენებლო-სარეაბილიტაციო სამუშაოების შესრულების გამოცდილება 2 178 360 (ორი მილიონ ასსამოცდათვრამეტი ათას სამასსამოცი) ლარის ღირებულებით, მათ შორის ერთი ხელშეკრულების ფარგლებში არანაკლებ 1 089 180 (ერთი მილიონ ოთხმოცდაცხრა ათას ასოთხმოცი) ლარის ოდენობით, რომელზეც წარმოდგენილი უნდა იქნას დამკვეთის მიერ გაცემული სარეკომენდაციო წერილი. სარეკომენდაციო წერილში მითითებული უნდა იყოს ხელშეკრულების გაფორმების თარიღი, ხელშეკრულების ნომერი, შესყიდვის ობიექტის დასახელება, შესრულებული სამუშაოების ღირებულება, ინფორმაცია იმის შესახებ რომ ხელშეკრულებით ნაკისრი ვალდებულებები შესრულებულია სრულად და ჯეროვნად. გარდა ამისა პრეტენდენტმა მოთხოვნილი გამოცდილების დასტურად უნდა წარმოადგინოს ხელშეკრულებ(ებ)ა, საბოლოო მიღება-ჩაბარების აქტ(ებ)ი და ანგარიშგაქტურ(ებ)ი (არსებობის შემთხვევაში - ვრცელდება ანგარიშგაქტურაზე) ან ანგარიშსწორების დამადასტურებელი შესაბამისი დოკუმენტაცია (საგადახდო დაავალება)“.

ამასთან მიზანშეწონილია ავანსის პირობა დაზუსტდეს და ჩამოყალიბდეს შემდეგი სახით: „საავანსო ანგარიშსწორება შესაძლებელია განხორციელდეს ხელშეკრულების მოქმედების ნებისმიერ ეტაპზე მიმწოდებლის მოთხოვნის საფუძველზე, ასათვისებელი თანხის არაუმეტეს 50%-ის ოდენობით. თუ მიმწოდებლის მიერ ავანსის სახით გათვალისწინებული თანხა ათვისებული იქნება (ერთჯერადად ან ეტაპობრივად) სრული მოცულობით, მომდევნო საავანსო ანგარიშსწორება ხელშეკრულების ფარგლებში დარჩენილი თანხის არაუმეტეს 50%-ის ოდენობით შესაძლებელია განხორციელდეს იმ შემთხვევაში, თუ ავანსის სახით მიცემული თანხა სრულად არის გაქვითული. ავანსის სახით გადასახდელი თანხიდან 150 000 (ასორმოცდაათი ათასი) ლარის ანაზღაურებას უზრუნველყოფს სსიპ - ტყიბულის მუნიციპალიტეტის სოფელ მუხურას საჯარო სკოლა, ხოლო დარჩენილ თანხას გადაიხდის სსიპ საგანმანათლებლო და სამეცნიერო ინფრასტრუქტურის განვითარების სააგენტო; ავანსის სახით მიცემული თანხის გაქვითვა მოხდება ფაქტიურად შესრულებული სამუშაოების ღირებულებიდან სრული მოცულობით, მანამ სანამ სრული მოცულობით არ დაიქვითება სკოლის მიერ ავანსის სახით გადახდილი თანხა, რის შემდგომაც ავანსის გაქვითვა მოხდება ეტაპობრივად, ფაქტიურად შესრულებული სამუშაოების ღირებულების პროპორციულად;

საავანსო ანგარიშსწორების მოთხოვნის შემთხვევაში „მიმწოდებელმა“ უნდა წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის მიერ ლიცენზირებული სადაზღვევო კომპანიიდან გაცემული უპირობო და გამოუთხოვადი საბანკო გარანტია საავანსო თანხაზე, რომლის მოქმედების ვადა 1 (ერთი) თვით უნდა აღემატებოდეს ხელშეკრულების მოქმედების ვადას. მიმწოდებელმა საავანსო ანგარიშსწორების უზრუნველყოფის გარანტია უნდა წარმოადგინოს ცალ-ცალკე, შემსყიდველების შესაბამისად.

გარანტია წარმოდგენილი უნდა იქნას ეროვნულ ვალუტაში - ლარში. უცხოური ბანკიდან ან/და სადაზღვევო კომპანიიდან საბანკო გარანტიის წარმოდგენის შემთხვევაში მასთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან გაცემული „კონტრგარანტია“ (ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე“.

ერთობლივ ტენდერთან დაკავშირებით სააგენტოში შემოსულია საქართველოს განათლების, მეცნიერების, კულტურისა და სპორტის მინისტრის 2019 წლის 16 ოქტომბრის N1272 ბრძანება, რომლის მიხედვითაც სსიპ საგანმანათლებლო და სამეცნიერო ინფრასტრუქტურის განვითარების სააგენტოს დაევალა აღნიშნული ბრძანებით დამტკიცებული ერთობლივი სატენდერო პირობებით და მოქმედი კანონმდებლობის შესაბამისად შესყიდვის განხორციელება;


ამასთან, მრავალწლიანი შესყიდვის თაობაზე სააგენტოში წარმოდგენილია საქართველოს ფინანსთა სამინისტროს 2019 წლის 15 ოქტომბრის N04-02/110418 წერილი, რომლის თანახმადაც საქართველოს ფინანსთა სამინისტრო თანახმაა სსიპ - საგანმანათლებლო და სამეცნიერო ინფრასტრუქტურის განვითარების სააგენტოსა და სსიპ - ტყიბულის მუნიციპალიტეტის მიერ სოფელ მუხურას საჯარო სკოლის მშენებლობის ერთობლივი მომსახურების მრავალწლიანი შესყიდვა განხორციელოს იმ შემთხვევაში, თუ სსიპ - საგანმანათლებლო და სამეცნიერო ინფრასტრუქტურის განვითარების სააგენტოს მიერ 2019 წელს გათვალისწინებულია - 100 000.0 ლარი, 2020 წელს გათვალისწინებული იქნება - 839 620.0 ლარი, ხოლო საჯარო სკოლის მიერ 2019 წელს გათვალისწინებულია 150 000.0 ლარი.

სატენდერო კომისიის მიერ მოწონებული იქნა სისტემაში ელექტრონულად შევსებული სატენდერო დოკუმენტაციისა და სატენდერო განცხადების პროექტი, რომელიც დამტკიცების შემდეგ უნდა დარეგისტრირდეს სისტემაში.

დაადგინეს:

1. დამტკიცდეს სატენდერო დოკუმენტაცია და განცხადების ტექსტი;
2. დაევალოს სატენდერო კომისიის აპარატს უზრუნველყოს ტენდერის გამოცხადება სახელმწიფო შესყიდვების ერთიანი ელექტრონული სისტემის მეშვეობით;
3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 45214220 - საშუალო სკოლების მშენებლობა.

კომისიის თავმჯდომარე:


ზვიად როსტომაშვილი

კომისიის წევრები:


გიორგი შალუტაშვილი


მამია მორალიშვილი


გიორგი თინაძე


მამუკა ბერიძე



ირმა ხუფენია

აპარატის წევრი:


დავით მესხიშვილი


ნინო გლოველი